


吕和叔集

四終



呂和叔文集卷第九

朝議郎使持節衛州諸軍事守衛州刺史上騎都尉

賜緋魚袋呂溫

九頌讚

凌烟閣勳臣頌 并序

我二后受成命撫興運轉坤軸撼乾樞鼓元氣而雷域  
中騰百川而雨天下雷收雨霽如再開闢蕩焉與太極  
同功貞觀十七年太宗以功成理定東為而不有之道  
讓德於祖考推勞于群臣念匡濟于艱難感風雲于疇  
昔思所以攄之無窮乃詔有司擬其形容圖畫於凌烟  
閣者二十有四人蓋象乎二十四氣之佐天昭勲德也

昔者舜以九官一作五臣致理周以十亂返正高皇以三傑

作漢光武以二十八將中興若夫錯綜勳賢籠絡今古

雄四代而高視者其唯聖唐乎至若唐莒公劉渝公之

倫探元符建帝圖首戴神堯舉晉陽而治天下此則大

禹之拯溺也魏鄭公以致君為己任諫若不及蹇蹇左

右秉心宣猷此則咎陶之颺言也虞永興糾合羣儒旁

求百代明備王禮克諧帝樂使我大國煥乎其有文章

此則夷夔之制作也長孫趙公舉大義除二堯安宗廟

定社稷以振我丕赫無疆之休此則周公之匡救也英

衛受天勇知雄武佐聖鼓行海內麾定四方此則太公

之鷹揚也房杜玄機朗識並運帷幄神發響效暮成天

功此則蕭何之指縱子房之決勝也尉遲秦程別毅水

訥氣鎮三軍力崩大敵足馬孤劍為王前驅此則吳漢

之樸忠賈復之雄勇也其餘皆棟棟殊材黼黻異制傳

諸古烈罔有慙德皇王之際於斯為盛其始也文為經

武為緯智斯作忠斯述其末也大不逼小不逼退者全

來者達控而縱之使自用之推而引之使自盡之不設

籠檻以觀遼廓之致不煩疆錄以極權奇之變執一德

而衆力展懸大信而群情竭高祖聚之以義太宗用之

以道高宗終之以仁傳聖萬代享其功利此非盛歟此



非盛歎昔陸機袁宏為晉人而歌功于漢魏作者猶或  
稱之况乎遊聖代觀國光日晚凌烟而頌聲不作其不  
揣賤方有壘一作斐然之志輒盡所蓄各為讚一章上以  
見王業之艱難中以明聖賢之相須次以朗前哲之光  
韻末以俾後人之誠節侯君集張亮負勲跋扈自陷大  
逆敢沒其名用彰天刑使伐勞懷貳者懼春秋之義異  
姓為後故以河間元王為讚首云

河間王孝恭

太極構天本由一氣大人創業資我族類堂堂河間仁  
勇是經通駿有聲為唐宗英暴惰天亡群盜猖狂我伐

用張時惟哲正武有烈光為爪翼肺腸經綸八方自南

徂東晏侮登江

平蕭使

使父兄帝天下化家為邦用竭

爾力寵臻其極言不代色不德以遜以默柔嘉惟則佐

高祖建大勳如周旦與與太宗守大成如漢間平宜君

宜王盤石無疆

房梁公玄齡

梁公先覺龍卧待君長慧流光掃天布新義師雷興公

躍其鱗杖策千里來排帝闈婉婉梁公實懿寔聰實光

實融羽儀翼忠若鸞若鴻大風動地儒服從容靜運胸

中弛張折衝左右太宗夷屯廓蒙定高祖功告武成

排粹作謁



心雖粹作  
雖忘

翊開太平我心雖勞時靡有爭網羅遺賢推轂群英玉  
不韜輝蘭無沉馨飛鴻出冥振鷺在庭濟濟多士太宗  
以寧公無事矣闕袞有補惟仲山甫經營四方方叔召  
虎大邦鈞軸至則委汝閑居台輔撫默自處亦莫敢余  
侮高朗令終嗚呼梁公

杜萊公如悔

穆穆萊公竒姿粹靈蘊元和氣為大國楨乘時能振唐  
室大開故人相攜公與房梁公同直上泰階更為陰陽  
迭作日月佐明四方贊育萬物王度是欽如玉如金德  
音惜惜萬有千古永稱房杜如周吉甫

魏鄭公徵

堂堂魏公崇節大志喬幹直聳摩天自致遭風雲特得  
霸王器一言委質有死無二撫我則后冬盡其志嘗仕

隱太子

沉浮變通龍戰既息皇建其極俾補袞職其絕則

直諤諤巍巍危言正色保太宗德弼違替否日月不蝕  
黜漢霸雜行周王道人或有言秉德不撓與封德禮興  
樂崇德洽道豐保合太和昭明有融起四年中復三代  
風言出化成神哉厥功尹躬佐商有恥于湯公以其心  
匡扶聖唐為唐宗臣致唐無疆致唐無疆永式萬邦

扶粹作飾

長孫趙公無忌

又其卷九

趙國之先發祥朔土乃祖乃父受天之祐有女而聖文德  
皇為天下母有子而賢為唐室輔聖賢同氣千載一觀  
不顯趙公允武允文克忠克仁實有大勳高祖受命太  
宗歸尊翼翼乾乾恪居于藩群孽亂嗣爭窺神器鴻業  
將墜公揭大義一匡天地人到于今家受其賜帝將傳  
聖爰有顧命汝忠汝誠莫與汝宗與我聖子守唐太平  
公相高宗有太宗遺風刑措財豐八荒未同和氣大融  
妖星襲月禍起中宮公將正之以王帝躬武氏謀位力  
屈群邪誠阻天聰默非其尤令聞無窮

唐荅公儉

歲寒陰凝冰雪皚皚有鳥擇木先陽春來誰與荅公王  
佐之才間運未開登潛龍臺代萬姓請命與天為媒扶  
龍而興振起雲雷權輿帝圖經始唐基始覆一簣勃然  
巍巍易失曰時難知惟幾知幾其神荅公元勳

劉渝公政會

河出崑崙未潤中夏連山合沓橫擁其派巨靈勃然手  
折太華決流東注功並造化粵我聖唐將舉晉陽帝命  
是將往拯溺于四方亦既載旆亦既秉鉞強亮當路王威  
高君拒不得發渝公慷慨感義激節用奇制變大事立  
決雷奮電越天衢八達則莫我敢遏如巨靈破山河勢

折粹作孽



始豁赫矣渝公與神齊烈跡如仙掌烟烟不滅

李衛公靖

有隋之末群盜熾藝帝怒震發五星從太白煥昭參野

將有聖人兵定天下金精下射猛毅感激李公矯矯從

此奮跡躍于中原王者則獲壯士不死初公不利于我

言而免壯唐威載赫帝曰汝傑致天之罰手付金鉞俾

士不自稱往式過不庭則然如飈發發如火烈烈摧枯燼雪應鼓

如截遠若荆巫險若江湖強若匈奴莫不率從莫不震

恭平書混同氛稜蕩空衛侯之功功則誰何威明惠和

策勇駕智長驅仁義仁義曠蕩帝王之將萬古曷瞻鐵

山峽峽詔築墳闕象

李英公勣

橫流莫極大亂無象英公傑出應運為將與楚楚霸與

漢漢王天時人事隨我所向長蛇縱蠹王東據河洛楚

楚封豕德建來濟同惡號吼連聲如雷如霆萬里震驚時

維英公諒我太宗斬豕以鉞取蛇于穴群穢殄滅乃定

九鼎乃開明堂奄有大邦金甲同光告成于皇太宗賦

祖與勣俱擢金皇業用昌帝命英公北伐獵狝雷鼓殷

殷旋頭幾殞掃黑山布唐陽春五原草綠不見南牧

島夷未庭天子親征其鋒維英莫拒莫抗是震是蕩破

東海浪天下既和  
解鞍投戈哀服委蛇  
華髮皓皓終始  
三朝無玷可磨

劉夔公弘基

夔公崢嶸金虎之精  
應時而生與運俱行  
提帝元戎震  
唐天聲瞋目張胆前  
無金城別建龍節中  
分虎旅啟行  
萬里乘氣一鼓劍揮  
雷霆旆卷風雨先馳  
威陽鏢定天  
府天府既定唐集大  
命入揚王庭出權兵  
柄薄伐獫狁  
朔風不競征阻島夷  
東海如鏡義始忠卒  
元勲之盛

鏢粹作鎮

長孫邳公順德

泰山未明雲鬱幽  
岵日觀赫開舒為丹  
霞昔我太原賢

雲粹作雷

傑潛屯帝出于震  
爛其盈門邳公炳焉  
實耀其間功參  
造物謀協先天執爰  
前驅捧轂南轅以勞  
以舊佐命之  
元

虞永興公世南

平粹作定

英英永興華德素行  
以文富國以道佐命  
天下既平為  
唐儒宗東觀石渠始  
出古風乘精驛思假  
道書圃馳騁

出粹作生

百代出入三古問義  
皇心聽堯舜語歸未  
帝側獻可替  
否帝告永興與鴻碩  
之倫闡六籍三墳建  
樂章禮文先  
師是宗先聖是宗於  
廓辟雍辟雍沉沉天  
子所臨或絃  
或歌誦古述今其徒  
八十纓弁森森織翁  
羗鬢咸詠德

名又集卷八



音羽林孤兒亦垂青襟洋洋聲教無遠不洎日月所照  
皆成文字鬱開古始掃蕩澆季實我群儒成太宗之志  
英英永興宜曰文懿公

尉遲鄂公敬德

洗洗粹作  
洗洗

洗洗鄂公百鍊龍鋒沉翳未宣氣衝斗間佩非其人初

宗金躍入大川神武獲焉提之上天天地之內指麾無

前熊威虎力隱居敵國劉毅木訥安劉必勃武德之屯

手拔禍根掃除氛昏捧出白日耀于天門功成名遂高

謝戎事烈烈猛志化為和氣深地高堂頤性保常屑瓊

飲露靜奏清商商為臣勵事君鄂公之志之仁貞觀後  
公不交

人事常鍊氣服食  
奏清樂商以自奏

蕭宗公瑀

隋氏不君忠賢莫用桐生朝陽有集惟鳳捨彼頽夏鬱

為新棟路車玄袞開國有宋武德之暮群孽內蠢魏魏

宗公聳節高步不吐不茹不來不去屹岷中立為天一

柱從容而言社稷遂安持誠秉忠光輔二君激濁揚清

敬人如身道至廣莫我敢群境至大不容纖塵雪山倚

空水壑照人耿介絕鄰為唐貞臣蕭宗公瑀

張鄭公公謹

有倬鄭公位位而貞洗洗而仁實太宗信臣太宗守藩

屹岷粹作  
屹屹

鄰粹作倫

有粹作先

內難未夷圖之則安捨之則危帝臨安危機以懼以疑  
以著為有知是筮是咨却公疑然排闥折著抗憤正詞  
用人事定天意身為元龜不知不識順義之則以定社  
稷却公之力公之云亡帝念其勤若痛在身天懷發中  
哭不避辰君臣之間夏古未聞  
屈突蔣公通  
五運相推土火茅期隋化為唐忠臣不知猶驅義徒奮  
拒王師指心誓天摩頭待時人婦有德四海皆叛春日  
滿川孤冰未泮亡家殉國方寸不亂力屈勢窮排空落  
翰東南慟哭血盡魂斷杖忠就擒萬國瞻漢帝曰通通

血粹作般

古之烈士孝于其親誰不敬子俾侯于蔣授以師紀感  
恩不死宣力如彼佐唐扶隋多教之美

高中公士廉

行粹作仁

維嶽降神佐唐生中忠貞自天孝友如春德為邦基行  
厚人倫肅肅雖雖真王者臣慶因婦妹光延天配文德皇后  
之同婚媾之中雲龍潛會建公南海廓我無外諒我撥  
亂弼文開泰過彼庸蜀存鍾澆李文翁之化若掃于地  
中公攸徂有教無類父子兄弟望風相媿勃興儒雅大  
復禮義西南頌聲到今未墜名登元勳理冠羣史全材  
大器於礫厥懿



殷鄭公開山

温温殷公初若懦夫銅印試吏褒衣為儒大風驅雲忽  
與之俱連逢真宰參造化暮天地既闢厥功有赫從王  
龔行佐帝光宅遠展驥足高憚鳳翽以永終譽垂于竹

帛

秦胡公叔寶

洛汭之役龍戰未决我師與王亮陣于九江秦公應變臨陣電拔

銳氣盡來我盈彼竭成敗反掌存亡奄忽虎來風壯鼉

轉山沒遂作心齋爰從討伐崩圍陷陣大逆冰裂翁如

鄂聳縱若竦突功成國定萬古壯骨

程盧公知節

盧公倬然動軼幾先轉禍為福與秦胡公攀龍上天續降于九曲

翻鵬翼積風乃儻桓桓將軍大敵則勇雷崩山谷貔虎

頓伏聽到冥波鯨鯢蹉跎見危而進當死不讓干城三

朝身老氣壯

褒云虎臣先運而臻謁帝太原許唐與身擁劍駕氣騰

風躍雲積忠累仁光有厥勳建旆北伐細柳宵屯風謐

霜凝嚴局連晨天子之使駐車軍門軍屯肅章門外屏門以夜不納制使

安衆秉威此真將軍泱泱桓桓克壯有聞

又集卷九

群動相食血流中原譙公夷陵豺虎與鄰列境連城火  
炎烟昏蔽其一邦如玉不焚三光忽開萬象皆新誰有  
天下平生故人公與高祖有舊引忠歸誠豹變獲伸金石之契  
移為君臣奕奕煌煌為龍為光元戎啟行大旆夾夾式  
道大江奄征南方恩斯勤斯而不可忘

皇帝親履政頌并序

臣聞光宅大寶茂育群生神而明之必在上聖然則所  
同者道所異者時或以垂拱仰成或以勵精自致及乎  
俗濟仁壽理洽時雍弛張之政不殊勞逸之功則倍我

皇帝體至化含元精苞乾剛履坤順誕膺駿命恢纂鴻  
休宣八聖之重光集百靈之奧祉如天之燾如地之容  
鼓義為雷霆奮仁為風雨幹璿衡而轉七曜懸金鏡而  
納九圍廓氛沴而川澄沓禎祥而山委昔軒轅氏斬蚩  
尤滅大帝功至大矣若非杖風后之助受玄女之符未  
能尅也陶唐氏誅四罪定水災德至厚矣若非大舜之  
登庸伯禹之盡力未能成也湯以伊尹為相始定殷功  
武以太公為師乃康周道高祖紹復資傳說啟沃之言  
宣王中興賴山甫將明之政今陛下大康四海雄軼二  
紀百姓不知其日用群臣無望于清風而乃業邁乎前



王功高乎古烈聖作物觀孰知其源竊以管窺天倪蠹  
挹溟量庶乎大畧可得而言焉陛下自代天統物之初  
則以屈己濟人為意度臨庶政躬提萬樞四冊賢良六  
親郊祀勤恤于理本盡瘁于生靈詳曠代之所未詳慮  
列辟之所未慮夏景大而方食寒星在而求衣寸陰不  
捨于論思子夜猶觀乎啟事除一物之患而品類獲安  
仲匹夫之冤而庶獄自息弃瑕而錄用舍垢而宥過小  
善可紀必拔于宸衷片言有孚不忘于睿聰至如天時  
之豐約地利之夷險邦賦之盈虛師律之貞暴閭閻之  
疾苦稼穡之艱難人風之情偽吏理之得失莫不容歸

大應作晨

神算潛納皇明雖陰陽不能以氣欺雖鬼神不能以形  
遁何細而不及何大而不可何秘而不彰何難而不就  
猶復登臺念在陰之慘聞樂思向隅之情御裘感短褐  
之寒臨膳愛單食之饑日慎一日既泰而不自泰既安  
而不自安兢兢乎業業乎此其所以廣運而有成全功  
之克舉者也然而感覆燾之恩者欲天之弥高荷容載  
之德者欲地之弥厚仰照臨之明者欲日月之弥光微  
臣被淳風飲玄澤親挹行事日觀升平憂勞誠難願陞  
下勉之而已美善誠至願陛下保之而已若夫雖休勿  
休玄然優柔君上之體也遙觀殿成蹈舞頌敷臣下之

職也為而不有德莫至焉知而不稱罪莫大焉臣某敢  
昧死再拜稽首獻皇帝親庶政頌一首其詞曰  
出師邁德玄元儲慶幽而復曜高祖受命貞觀致理開  
元殷盛艱而復康皇帝親政受命繼何邈萬斯年親政  
維何夕惕乾乾天道福謙我則奉天人生在勤我則率  
先愛克之心勞禹之形求人之瘼思國之經年亦豐止  
御膳不馨夜如何其皇寢未寧偃武修文太和氤氲海  
不揚波天無纖氛鳥章之長椎髻之君會朝明庭其從  
如雲巍巍崇崇於穆昭融宜播大樂以宣皇風鏗鏘盛  
德誦舞神功下臣作頌永示無窮

秋梁公立廬陵王傳讚

并序

廬陵王傳讚

梁公以武氏篡盜國命如綴翊安宗社非我而誰是用  
蒙大恥履大險聳節振義以持世心閑高祖天下於方  
寸之地盜力雖盛莫之敢窺唐復為唐繫公是賴後代  
味者頗歸功公五臣殊不知五臣之功公所授也容有  
以李北海所傳示予者述廬陵廢立之際見公如生貽  
諸將來可以不惑敢摭情而讚之詞曰  
於休梁公社稷之臣濡跡應變與唐屈伸妖虹橫天鳴  
北專晨獨立大道指南生人開闢有期命先我時乃建  
國本代天張機取日虞泉浣光咸池潛授五龍夫之以



飛臨終指麾皇業再基運起身後功成不知穆若清風  
蕤然宏規凡為臣者可不度思

張荆州畫讚

并序

以粹作謂

中書令始興文獻公有唐之鯁亮臣也開元二十二年  
後玄宗春秋高矣以太平自致頗易天下綜覈稍怠推  
納寢廣君子小人摩肩于朝直敬遂寢邪氣始勝中興  
之業衰焉公于是以生人為身社稷自任抗危言而無  
所避秉大節而不可奪小必諫大必諍攀帝檻歷天階  
犯雷霆之威不霽不止日月幾蝕為公却一作却明虎  
而冠者不敢猛視群賢倚賴天下仰息廩廩乎千載之

望矣不虞天將啟幽薊之禍俾姦臣乘釁以速致戎詐

成讒勝聖不能保祐我公哀冥于侯服身雖遠而諫愈

切道既塞而誠弥堅憂而不怨終老南國於戲功業見

乎變而其變有二在否則通在泰則窮開元初天子新

出艱難久憤荒政樂與群下勵精致理於是乎有否極

之變姚宗坐而乘之舉為時要動中上意天光照身字

宙在手執若舟楫相得當洪流而鼓迅風崇朝萬一作

里不足怪也開元末天子倦于勤而安其安高視穆清

沛然大滿于是乎有泰極之變荆州起而扶之舉為時

害動沸上啟日與讒黨抗衡于交戟之中勢若微陽戟

害英作害

銘英作詩

陰銜密雲而吐丹氣歛耀而滅又何歎乎所痛者逢一  
時事一聖踐其跡執其柄而有可有不可有成有不成  
况乎差池草茅沉落光耀者復何言哉復何言哉曹漢  
沙門靈澈雖脫離世務而猶好正宜攜其圖像因以示  
予余觀而感之乃作銘曰  
唐有棟臣往矣其邈世傳遺像以覺後覺一作德容板  
晏天骨峻擢波澄東溟日照太岳具瞻崇崇起敬起忠  
貌與神會凜然生風氣蘊逆鱗色形匪躬當時曲直如  
在胸中鯤鱗初脫激海以化羊角中額摩天而下無喜  
無愠亦如此畫嗚呼為臣倣爾風夜

續羊叔子傳讚

天厭鼎峙蜀滅魏改錫晉羊公以同四海儒衣登壇嶽  
鎮荆蠻十萬之衆從公而閑逍遙峴陽傲視勅敵用人  
為間出入無跡吳國雖守吳心已降吞于胸中不見大  
江動物忘已樂天知命留功遺人國愈身病江漢舊城  
德膏潛蒸化行兵中兵息化興策雖平吳道不相晉永  
嘉南遷豈曰泯泯

佛身為師如來繡像讚

并序

藥師如來像者余妻蘭陵蕭氏之所繡也貞元二十年  
余奉德宗皇帝之命西使吐蕃辭高堂而出萬死介單



匪英作靡  
東英作西  
樂英此下  
有葯師二  
字恒英作  
河泉生英  
作群品像  
英作相續

車而馳不測國故遽至戎情猜閉坎險一過星霜再周  
夫人盟饋之餘膏鉛不御日亂蓬首坐銷薜華異域無  
期良時自晚始怨冬缸之久而紅芳已闌方苦夏景之  
長而碧樹將落書委塵篋跡淪苔堦漸味音容孰知存  
沒鬚鬢不告因夢難徵觸慮成端沿情多緒黃昏望絕  
見偶語而生疑清旭意新聞疾行而誤喜循環何極刻  
舟匪尋浩隔理求宵非計得如聞東方有金界極樂大  
雄散琉璃之寶光照恒沙之國土能度衆生出諸幽厄  
一念无應萬感皆通是用濟發慧根妙求真像斷鳴机  
躬織之素染懿筐手續之絲畫瘁莊嚴彰施綵繡纏苦

英作續染  
英作洗月  
英作日

感英作贊

心於香縷注精意于針鋒指下而露染青蓮思盡而雲  
開白月然後練時潔室華設珍供夕炬傳照晨爐續相  
齊獻至誠泣敷懇願遂得慈舟密濟覺路潛引當道場  
發念之日是荒裔未歸之辰幽感冥符一何昭焯乃知  
織回文之錦無補離憂登望歸之臺空為廢日與夫心  
諧妙理手結勝因進則有濟渡之功退不離清淨為本  
從長擇善豈同日而言哉余感其志効爰用贊叙雖在  
妻子亦無媿詞藏諸閨門永以傳信讚曰  
地萬里兮天一極往無由兮來不得解脫願兮慈悲力  
五色綉兮黃金飾澄氛昏兮圓相開湛水月兮蓮花臺





令而博天下者也然則恕死之典弃信而廢刑何以言  
之夫立功者自八元十亂之後非盡能賢或有起屠販  
壘畝行陣之間乘帝王應天順人之勢用力無幾遂貪  
天功超騰風雲各得變化率勞怙寵屈強自負僭冒無  
厭見利忘義是宜崇威峻法大為之防而反丹書鉄券  
許以不死其功大者可以五作亂而十犯上孰不以暴  
為無傷乎且人君之言如決汗不反既與之要天地擔  
河山卒倉忽一旦失馭有黔韓之罪神怒人怨不得已  
而誅是弃信也若恣行兇險隳突憲綱或姦鋒將發疊  
逼宗社乃念斯言之玷忍而不誅是廢刑也向者纔得

其塵涓之効螢燭之助而信弃刑廢將焉用之使賢而  
有功驚寵懼滿自居無過之地何恕死為使愚而有功  
已小人不幸又告以無死是憎驕而啟姦適所謂賞之  
禍也雖恕之死其能免乎夫其賢如太公忠如伊尹唯  
君知臣可以勿貳而遽宥以死罪是疑其不終非所以  
待之以誠而盡君子之心若乃猶如狗盜庸如黔徒未  
有罪而先恕之死是不許其慕生廉恥自周名節非所  
以導之以德而勸小人之善也以為明君之處勞臣也  
安之以爵祿護之以紀律明之以好惡聳之以禍福使  
得遷善遠罪保勲全名剖符傳慶與國終始思斯勤斯

是亦極矣奈何撓權亂法以罪寵人墜信賞必罰之典  
虧昭德塞違之道恐非哲王經邦執物之制也謹議

復漢以粟為賞罰議

議曰先王賞以飾喜罰以飾怒喜必待功而賞不僭行  
怒苟得罪而罰無輕赦其來尚矣漢氏雜霸道而壞王  
制昧宏規而徇小利俾其納粟除罪拜爵以罰人則廢  
法以賞人則廢功以儲蓄則廢本是沮勞患姦而怠弃  
南詠也何以言之惟名與器不可假人而班爵于并兼  
之家析土于滯積之家使屠沽賤隸凌駕英豪苟有懷  
于廉恥之心豈復致患難之死雖月要天地日誓山河

而賞不足以勸矣天討有罪刑亦無赦而撓權于殘賊  
之徒屈法于姦宄之黨使凶人酷吏言暴無傷苟開必  
免之門孰懲罔極之惡雖臨以斧鉞驅于鼎鑊而刑不  
足以威矣且朝糜好爵以粟授受國有常刑以粟出入  
貪利愛生之孰不願空墮畝而買土組錫倉廩而救死  
亡拜爵者坐守封君遂忘其本業免罪者室如懸磬曷  
保其生聚雖使三公九卿躬執耒耜而嗇不可以務矣  
於戲賞罰者長人之大柄農耆者有邦之永圖忽而弃  
焉曾不是念而利乎國儲之斲寔是兵食之僅濟其何補  
歟然而漢承秦弊中國耗弱高惠務厥完緝孝文守以



恭儉德未決于海外威乘行于四夷邊侯猶聞擊柝戎  
士不得解甲晁錯是以有權宜之對救弊之術偷利于  
當代利成于一時雖曰有因而為終貽識者之誦國家  
體元立極繼天而作騰軼殷周紹休唐虞率我蒸人登  
于壽域五一變至于帝帝一變至于皇非正大之慕不  
聽非盛德之事不問焉有習近古之失策採庸臣之說  
論者哉必患國庫猶虛邊餽未繼莫若興李悝之平糶  
務充國之屯田練將簡兵以省軍費輕徭薄賦以悅人  
心東作一興西成再秩則太倉之蓄如京矣塞下之稼  
如雲矣亦何必虧昭德塞違之道墜信賞必罰之典恐

非聖唐經邦執物之制也謹議

人文化成論

易曰觀乎人文以化成天下能諷其言蓋有之矣未有  
明其義者也嘗試論之夫一二相生大鈞造物百化交  
錯六氣節宣或陰闔而陽開或天經而地紀有聖作  
實為人文若乃夫以剛克妻以柔立父慈而教子孝而  
箴此室家之文也君以仁使臣臣以義事君子違汝弼  
獻可替否此則朝廷之文也三公論道六卿分職九流  
異趣百揆同歸此則官司之文也寬則人慢糾之以猛  
猛則人殘施之以寬寬以濟猛猛以濟寬此刑政之文

也樂勝則流過之以禮禮勝則離和之以樂與時消息  
因俗變通此教化之文也文者蓋言錯綜庶績藻繪人  
情如成文焉以致其理然則人文化成之義其在茲乎  
而近代諛諛之臣特以時君不能則象乾坤祖述堯舜  
作化成天下之文乃以旂裳冕服章句翰墨為人文也  
遂使君人者浩然忘本沛然自得盛儀成以求至理坐  
吟咏而待太平流蕩因循敗而未悟不其痛歎必以旂  
裳冕服為人文則秦漢魏晉敬明文物禮經五帝儀繁  
三王可曰煥乎其有文章矣何衰亂之甚也必以章句  
翰墨為人文則陳後主隋煬帝雍容綺靡洋溢編簡可

曰文思安安一作安字何滅亡之速也曩之以名義研之  
以情寔既如彼校之以今古質之以成敗又如此傳不

云乎經緯天地曰文禮不云乎文王以文理則文之時  
義其大矣哉馬何以名數末流雕蟲小技廁雜其間也

論三不欺先後論

昔宓子賤為單父也人不敢欺之國僑為鄭也人不能  
欺之西門豹為鄴也人不敢欺之此皆為政不同同歸  
于理作幹事之稱首貽牧人之經範汪洋古今輝煌圖  
史窮理而語故有優劣擇善而行豈無先後請試論之  
子賤仕衰亂之魯而邑偏強齊仗義為城池倚仁為干



稽當鯨吞之大敵鳩狼顧之遺黎渙離形檢妙用心術  
惠訓不倦乃無得而稱視民如傷而不有其愛感而動  
之陰陽運于無言誠而明之日月懸于方寸是則不求  
欺于人而人不忍欺矣子產抑晉楚之間而靖恭爾次  
役智利物飾躬勵俗守之以信行之以禮告之以慈惠  
臨之以明察如鏡洞照如衡誠懸是則求人不欺而人  
亦不能欺矣西門當戰國之初而克修茂績身有紀律  
言有典章剴已其柔威克厥愛權之以法制董之以刑  
罰大烈人望霜清物心是則責人不欺而人固不敢欺  
矣夫不忍欺者至誠潛感是曰上德克弊之吏也不能

欺者明智旁達是曰有政三王之吏也不敢欺者嚴威  
允濟是曰能刑五伯之吏也誠不足至于智智不足至  
于威大小之間朗然可見然而事在折衷理資漸致德  
宜全舉道貴兼通必也修誠而弃智誠未至而致理或  
虧任智而廢威智未周而暴亂將起不若摠而行之迭  
收其效一之日二之日刑明威立使人畏而不敢欺三  
之日四之日智達政成使人敬而不敢欺五之日六之  
日志孚誠格使人感而不敢欺以寬濟猛同二氣而和  
平自適涉遐比三才而其美苟非全德大器其孰能至  
于此乎若不暇會其源流統其宗極而姑定優劣直論

先後則堯舜之吏與王霸不同年而語矣  
 應龍乘風雲作雷雨退必蟠螭以全其力君子役智能  
 統机劇退必宴息以全其性力全則神化無窮性全則  
 精用不竭深山大澤其所以蟠螭乎高齋清池其所以  
 宴息乎瓠州三堂者君子宴息之境也開元初天子思  
 二南之風並選宗英共持理柄瓠大而近匪親不居特  
 惟五王出入相授承平易理逸政多暇考卜惟勝作為  
 三堂三者明臣子在三之節堂者勵宗室克楫之義豈  
 從造適定亦垂訓居德樂善何其盛哉然當時漢同家

人魯用王禮棟宇制度非諸侯居後刺史馮君錫因其  
 額侈始卑基楨豐而不侈約而不陋以琴竹詩書之幽  
 素易綺紈鐘鼓之繁喧雖林池烟景不讓他日觀其廣  
 踰百畝深入重扃迴塘屈盤沓島交映溟渤轉于環堵  
 蓬壺起于中庭浩然天成熟曰智及春之日眾水花折  
 岸鋪島織况浮照耀其水五色於是乎襲馨擷竒方舟  
 逶迤樂魚時翻飄蕊雪飛泝法環迴隱映差池咫尺迷  
 路不知所歸此武陵仙源未足以極幽絕也夏之日石  
 寒水清松密竹深大柳起風甘棠垂陰于是乎濯纓連  
 漪解帶升堂畏景天雲隔林無光虛甍沉沉皓壁如霜



羽扇不搖南軒清涼此則楚襄蘭臺未足以滌炎鬱也  
秋之日金甌掃林蕭鬱洞開太華爽氣出關而來于是  
乎絃琴端居景物廓如月委皓素水涵空虛鳥驚寒沙  
霜滴高梧境隨夜深疑與世殊此則庾公西樓未足以  
澹神慮也冬之日同雲千里大雪盈尺四眺無路三堂  
虛白于是乎置酒褰帷憑軒倚楹瑤塔如真玉樹羅生  
日暮天霽雲開月明永泉潺潺終夜有聲此則子猷山  
陰未足以暢吟嘯也於戲不離軒冕而踐夷曠之城不  
出戶庭而獲江海之心趣近懸解跡同大隱序閑四時  
之勝節宣六氣之和貴而居之可曰厚矣若知其身既

安而思所以安人其性既適而思所以適物不以自樂  
而忽鰥寡之苦不以自逸而忘稼穡之勤能推是心以

惠境內則良二千石也方今人亦勞止上思又息州郡  
之選重如廷臣由是南陽張公輟揮翰之任受剖符之  
寄遊刃而理此焉坐嘯靜政令若水木閑人民如魚鳥  
馴致其道闇然日彰小子以通家之愛獲拜牀下且齒  
諸子侍坐于三堂見知唯文不敢無述捧筆避席請書  
堂陰俾後之人知此堂非燕遊亦可以觀清靜為政之

道云云

諸葛武侯廟記

心齋下粹  
作南陽堅  
卧待時而  
起稍粹作  
雖初粹作  
粗

天厭漢德得絕其紐群生墜塗四海飛水武侯命世寔  
念皇極魏姦吳輕去聲未獲心齋昏宇南陽堅卧待主三  
顧稍晚群雄初定必也葦掃是資鼎立變化消息謀成  
掌中戰龍玄黃再得雲雨于是右揭如天之府左提用  
武之國因山分力與水合勢蟠亘萬里張為龍形亦欲  
首吞咸鎬尾束河洛翼出中夏飛于一作天衢然後魚  
豷句吳東入晏海大勳未集天奪其魄至誠無忘炳在  
日月烈氣不散長為風雷英雄痛心六百年矣於戲以  
武侯之才知己付託上雖狹國以勤儉富民雖寡兵以  
節制強魏武既沒晉宣非敵而我車荐駕不復中原或

曰奇謀非長則斬將覆軍無虛舉矣或曰餽糧不繼則  
築室反耕有成笑矣嘗試念之頗順其原夫民無婦德  
以為婦撫則思虐則忘其思也不可使忘其忘也不可  
使思當漢道方休哀平無罪王莽乃欲憑威寵造符命  
脅之以威動之以神使人忘漢終不可得也及高光舊  
德與世衰遠桓靈流毒在人骨髓武侯乃欲開張季世  
興振絕緒諭之以本臨之以忠使人思漢亦不可得也  
向使武侯奉先主之命告天下曰我之舉也匪私劉宗  
唯活元元曹氏利汝乎吾事之曹氏害汝乎吾除之俾  
虐魏偏從之民聳誠感動然後經武觀農長豳義教咸



洛不足定矣奈何當至公之運而強人以私此猶力爭  
彼未心服勤而靡獲不亦宜哉乃知務開濟之業者未  
能審特定勢大順人心而克觀厥成吾不信也惜其才  
有餘而見未至述于遺廟以俟通識唐貞元十四年七  
月二十五日東平呂某記

道州刺史廳壁記

附刺史河南元結字次山撰

天下太平方千里之內生植萬類刺史能存亡休戚之  
天下兵興方千里之內能保黎庶能攘患難在刺史耳  
凡刺史若無文武才畧不清廉肅下若不明惠公直則

木州生類皆辱災

一作受其

害於戲自至此州見井邑兵墟

生民幾盡試問其故

不覺涕下前筆

一作改

刺史或有貪

猥惰弱不分是非但以衣服飲食為事數年之間蒼生

蒙以私欲侵奪兼之公家駐迫非姦惡強富殆無存者

問之耆老前後刺史能恤養貧弱專守法令有徐公履

道李公虞而已徧問諸公善或不及徐李惡有不堪說

者故為此記與刺史作戒自置州以來諸公改授遷絀

年月則舊記存焉

李下料有  
二公二字

道州刺史廳後記一首  
壁記非古也若冠綬命秩之差則有格令在山川風物

之辨則有圖謀在所以為之記者豈不欲述理道列賢  
不肖以訓于後庶中人以上得化其心焉代之作者率  
異于是或誇學名教或務工為文居其官而記者則媚  
己不居其官而代人記者則媚人春秋之旨蓋委地矣  
賢二千石河南元結字次山自作道州廳事記彰善而  
不黨指惡而不誣直舉胸臆用為鑒戒昭昭吏師長在  
屋壁彼貪虐放肆以生人為戲者獨不媿于心乎予自  
幼時讀循吏傳慕為人以為士大夫立名于代無以高  
此前年冬由尚書刑部郎中出為此州雖苦劇自課而  
未能達其意也往刺史有許子良者輒移元次山記於

北牖上而以其文代之復亦有時號君子之清者益此  
孰視焉而莫之改豈是非之際如是其難乎予也魯安  
知其他即今巧而書之俾復其舊且為後記以廣次山  
之志云

湖南都團練副使廳記

湘中七郡羅壓上游右振梓蠻左馳旣越控交廣之戶  
牖擬吳蜀之咽喉翼張四隅襟束萬里半天下安危係  
焉聖唐理雖偃革制不去脩消息變化必惟其時由是  
剖分荆衡復古南鎮控其兵徒而重其統帥易其將校  
而難其叅佐所以顯仁藏用明道晦權成師於禮樂之



中講武於文章之內雍容易簡四十餘年名跡風流冠  
于當代始則裴諫議虬以逸材竒略傲視而靜荒寇次  
則趙相公璟以高標雅望鬱起而為國植其餘馮郎中  
嶷之碩重房容州孺復之英達鄭評事列張著作季文  
之美秀洎張和州推儉盧侍御澣佐我先大夫宣慈明  
允寔有成績是皆焯于朝論清在人謠者矣元和三年  
冬天子命御史中丞隴西李公以永嘉之循一作政京  
兆之懿則廷賜大旆俾綏衡湘咸如秋霜無私凋忠如  
太陽無私煦用人如止水無私鑒始下車表前副使殿  
中侍御史扶風竇君常以本官復職于是監察御史河

南穆君寂河內司馬君紆范陽盧君璠太常協律郎河  
東范君存慶前咸陽尉吳郡頤君師閔前太子正字隴  
西李君礎前太常寺奉禮郎京兆杜君周士前延陵縣  
尉同郡杜君賞羣材響附各以類至文雅器用歲餘大  
備錯金碧于晴壑絳孔翠於春林遐邇翕然稱為盛府  
中行感會知己竭其誠能黃鐘音韻調于嶰谷之竹太  
河鋒鏃拭以華山之土其集鸞鳳斷犀兕不足恠也竇  
氏伯季同時七人一居方伯三列華省四在諸侯之館  
名教之樂縉紳慕焉以某近守支郡且知故實得請連  
帥俾書云堂媿于不文安敢堅讓元和五年七月五日

東平呂某記 於子不文之類 到籍亦味 再若以民 五見  
其皆 之樂 則然 亦民 以某 之有 牙指 此味 始書 其能 與

乾隆三年歲次戊午八月既望借錢遵王藏按宗本影  
內書寫於碧梧書屋陶晚聞識

地書身命 林山 則其 願推 於新 書隨 歸于 概子 之世 亦  
謝離 在望 中 謝望 律九 翠於 林社 與與 倉庫 其海 亦海 亦

池 是 書 身 命 林 山 則 其 願 推 於 新 書 隨 歸 于 概 子 之 世 亦  
謝 離 在 望 中 謝 望 律 九 翠 於 林 社 與 與 倉 庫 其 海 亦 海 亦

呂和叔文集卷第十  
呂和叔文集卷第十  
呂和叔文集卷第十





